

Novs curs dad e-banking l'atun

La BCG e la Pro Senectute porschan curs gratuits per senioras e seniors

Cuira, ils 20 da settember 2018 – La Banca Chantunala Grischuna (BCG) e la Pro Senectute Grischun porschan da l'october fin il december 2018 en tschintg lieus en il Grischun curs gratuits davart il tema e-banking.

La BCG s'engascha activamain sco partenaria da la Pro Senectute Grischun a favur da las senioras e dals seniors. Dapi il 2006 sustegna ella curs e cussegliaziuns e promova uschia l'indipendenza e la qualitat da viver en la vegliadetgna.

Utilisar l'e-banking a moda simpla e segira

Scannar quintes en in hui, pajar la cumpra en butia senza daner contant e laschar furnir il daner blut per las proximas vacanzas cumadaivlamain ed a moda simpla a chasa. En quest curs divertent vegnan persunas interessadas a savair dapli davart [soluziuns digitalas](#) utilis che permettan d'administrar las finanzas dapertut a moda simpla e segira. Ultra da quai dattan ils experts da la BCG tips nizzaivels davart il tema segirezza e pussaivladads d'applicaziun dal nov [e-banking da la BCG](#). Ils curs da duas uras (mintgamai da las 16.00 fin las 18.00) han lieu ils suandants dis:

Lieu	data	s'annunziar fin
Tavau Plaz Arabella Hotel Waldhuus, Mattastrasse 58	25 d'october 2018	11 d'october 2018
Tusaun Hotel Weiss Kreuz, Neudorfstrasse 50	8 da november 2018	25 d'october 2018
Maiavilla Swiss Heidi Hotel, Werkhofstrasse 1	22 da november 2018	8 da november 2018
Cuira Auditori da la BCG , Engadinstrasse 25	29 da november 2018	15 da november 2018

Il curs d'approfondaziun ha lieu da las 09.00 fin las 11.30:

Lieu	data	s'annunziar fin
Cuira Scola-club Migros, Gartenstrasse 5	6 da december 2018	22 da november 2018

Suenter ils curs envidain nus ils participants cordialmain ad in apero. La participaziun è gratuita. Annunzias per ils curs èn da far a: Pro Senectute Grischun, telefon 081 252 75 83, per e-mail a kurse@gr.prosenectute.ch ubain sut gkb.ch/prosenectute.

Ulteriuras infurmaziuns davart la porschida da curs: gkb.ch/prosenectute ubain <https://gr.prosenectute.ch/rm.html>.

Contact per ils collavuratur da medias:

Banca Chantunala Grischuna, Medias & Investor Relations, chascha postala, 7001 Cuir

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. La banca occupa 996 collavuraturas e collavuratur (stadi dals 30-06-2018). En il chantun Grischun cun sias numerusas vals e pliras linguas, è l'interpresa represchentada cun 53 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 26 milliardas in gudogn dal concern da CHF 99,4 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2018: 8 da favrer 2019

Radunanza dals participants: 4 da matg 2019
